



IKINYAMAKURU K'IMIHINDAGURIKIRE Y'IKIRERE No 16, KIGENEWE


ABAHINZI-BOROZI IGICE CYA MBERE KANAMA (01-10), 2020

Cyasohotse ku itariki ya 12 Kamena 2020

Iriburiro

Mu minsi icumi y'igice cya mbere, Kanama 2020 kuva tariki ya 01 kugeza tariki ya 10, mu Ntara y'Iburasirazuba nta mvura yaguye, mu Ntara y'Amajyaruguru ndetse n'Iburengerazuba niho yaguye imvura nyinshi ahandi hasigaye yaguye imvura nke cyane ugereranyije n'isanzwe igwa muri ayo matariki mu gihe cy'imyaka myinshi. Ahaguye imvura nyinshi ni ku bupimiro bwa Gisenyi Aero hapimwe milimetero 103.4.

Ibipimo by'ubushyuhe ni nk'ibisanzwe mu gice cya mbere cya Kamena, Igipimo cy'ubushyuhe bwo hejuru cyari hagati ya dogere Selisiyusi($^{\circ}\text{C}$) 21.6 muri Gicumbi na 31.5°C mu Bugarama naho igipimo cy'ubushyuhe bwo hasi cyari hagati ya 11.3°C ku bupimiro bwa Busogo na 18.5°C ku bupimiro bwa Bugarama.




Ishusho 1: Imvura yaguye ugereranyije n'isanzwe igwa muri iyo minsi.

1.0. Imvura yaguye

Aha turerekana ingano y'imvura yaguye, umubare w'iminsi imvura yaguye n'ubuhere bw'ubutaka mu minsi icumi y'igice cya mbere cya Kanama 2020.

1.1. Ingano y'imvura yaguye

Ikarita ya mbere hasi irerekana ingano y'imvura yaguye mu minsi icumi y'igice cya mbere cya Kanama 2020. Igiteranyo cy'imvura mu minsi icumi y'igice cya mbere cyari hagati ya milimetero 0 na milimetero 103.4; ni ukuvuga ko hamwe na hamwe mu gihugu nta mvura yaguye, ahandi hakagwa nke ndetse uduce tw'Amajyaruguru n'utw'Iburengerazuba haguye imvura nyinshi, nko ku bupimiro bwo ku kibuga cy'indege cya Gisenyi mu karere ka Rubavu mu Ntara y'Iburengerazuba haguye imvura ingana na milimetero 103.4, mu Ntara y'Amajyaruguru ku bupimiro bwa Busogo hapimwe milimetero 63.5 no ku kibuga cy'indege cya Musanze hapimwe milimetero 44.8.



Ikarita ya 1: Ingano y'Imvura muri mm

1.2 Imvura isanzwe igwa mu minsi icumi y'igice cya mbere cya Kanama

Ufatiye ku bipimo by'igihe kirere, ikarita ya kabiri iratwerekana imvura isanzwe igwa mu minsi icumi y'igice cya mbere cya Kanama.

Ubusanzwe iki igice cya Kanama kigusha imvura iri hagati ya milimetero 2.6 na 31.7; bigaragara ko ugereranyije imvura yaguye n'isanzwe igwa mu gihe kirekire, imvura yaguye yari nke mu bice byinshi by'igihugu uretse mu Ntara y'Amajyaruguru ndetse no mu Ntara y'Iburengerazuba.



Ikarita ya 2: Imvura isanzwe igwa mu gice cyambere cy'ukwezi kwa Kamena

1.3. Umubare w'iminsi imvura yaguyemo

Ikarita ya 3 iragaragaza umubare w'iminsi imvura yaguyemo, mu gice cya mbere mu kwezi kwa Kanama 2020. Umunsi tubara ko wagushije imvura ni uwapimweho byibuze milimetero 0.85 cyangwa nyinshi. Muri rusange ahenshi mu gihugu mvura yaguye umunsi umwe uretse ku bupimiro bwa Bugarama imvura yaguye iminsi ibiri naho ku bupimiro bwo mu ntara y'Iburasirazuba nta mvura yaguye.



Ikarita ya 3: Umubare w'iminsi imvura yaguyemo

1.4 Ubuhehere bw'Ubutaka

Aha turagaragaza muri rusange uko ubuhehere bw'ubutaka bwari bumeze. Ahenshi mu gihugu ubuhehere bw'ubutaka muri iyi minsi icumi y'igice cya mbere cya Kamena 2020 bwaragabanutse cyane bitewe n'ibihe by'izuba byaranze iyi minsi. Hateganyijwe ko ubuhehere bw'ubutaka buzakomeza kugabanuka mu gice cya kabiri cya Kamena bitewe n'uko imvura izakomeza kugabanuka.


2.0. Iyipimo by'ubushyuhe

Aha turareba muri rusange uko ibipimo by'ubushyuhe bwo hejuru no hasi hirya no hino mu gihugu byari bimeze.

2.1 Iyipimo cy'ubushyuhe bwo hejuru

Ikarita ya 4 irerekana ubushyuhe bwo hejuru. Ugendeye ku bipimo by'ubushyuhe dusanzwe dupima, ahenshi mu gihugu ubushyuhe bwari mu kigereranyo cy'impuzandengo y'igihe kirekire; mu Ntara y'Iburasirazuba, mu Mujyi wa Kigali, ndetse n'igice kinini cy'Iburengerazuba cyane cyane mu Majyepfo yaho niho hashyushye kurusha ahandi.


Mu Ntara y'Amajyaruguru akaba ariho hakonje ugereranyije n'ahandi mu gihugu. Iyipimo by'ubushyuhe byari hagati ya dogere Selisiyusi 21.6 na 28.3 ahenshi mu gihugu; uretse ku bupimiro bwa Bugarama hashyushye cyane hapimwe dogere selisiyusi 31.5. Ugereranyije n'iminsi icumi y'igice cya kabiri cya Gicurasi ubushyuhe bwo hejuru bwiyongereyeho gato.



Ikarita ya 4: Ubushyuhe bwo hejuru

2.2. Iyipimo cy'ubushyuhe bwo hasi

Ikarita ya gatanu irerekana uko ubushyuhe bwo hasi bwanganaga. Ubushyuhe bwo hasi bwari hagati ya Dogere Selisiyusi 11.3°C (Gicumbi) na Dogere Selisiyusi 18.5°C (Bugarama). Mu Majyaruguru y' u Rwanda niho hakonje cyane kurusha utundi duce tw'igihugu. Ugereranyije n'iminsi icumi y'igice cya kabiri cya Gicurasi ubushyuhe bwo hasi bukaba bwaragabanutseho gato.



Ikarita ya 5: Ubushyuhe bwo hasi


3.0 Iteganyagihe rigenewe abahinzi mu minsi icumi y'igice cya kabiri cya Kamena (tariki 11-20) 2020

3.1 Ikirere giteganyijwe

Mu gice cya kabiri cy'ukwezi kwa Kamena (hagati y'itariki ya 11 n'iya 20 Kamena) mu Rwanda hateganyijwe kurangwa n'imvura iri hagati ya milimetero 0 na 60mm muri rusange. Mu turere twa Rubavu n'igice cy'Akarere ka Musanze, Rutsiro, Nyabihu, Ngororero, Nyamasheke, Rusizi, Nyamagabe na Nyaruguru hateganyijwe imvura iri hagati ya milimetero 45 na 60. Mu bice bisigaye by'Intara y' Iburengerazuba, iby'uturere twa Musanze, Nyamagabe na Nyaruguru, hakiyongeraho Akarere ka Burera na Gakenke n'igice gisigaye cy'Intara y'Amajyepfo gihana imbibi n'Intara y' Iburengerazuba hateganyijwe imvura iri hagati ya milimetero 30 na 45. Uburasirazuba bwa Nyagatare na Gatsibo, Akarere ka Gicumbi, Rulindo n'Umujyi wa Kigali, ahasigaye mu karere ka Huye, Muhanga na Kamonyi hateganyijwe imvura iri hagati ya milimetero 15 na 30.

Ahasigaye hose hateganyijwe imvura nke iri hagati ya milimetero 0 na 15. Iyi mvuraiteganyijwe hagati y'itariki 11 na 15 Kamena 2020, umubare w'iminsi izagwa ukazaba uri hagati y'iminsi 2 n'iminsi 3 ikaba izaturuka ku miterere y'ahantu.

Imvura iteganyijwe hagati ya 11 – 20 Kamena 2020 iri hejuru y'impuzandengo y'imvura isanzwe igwa muri icyo gihe mu gihugu hose ikaba iterwa n'imitere y'utwo duce dutandukanye. Ikigereranyo cy'imvura isanzwe igwa muri Kamena hagati ya 11 – 20 iri hagati ya mm 0 na 30 bitewe n'ahantu.



Ikarita ya 6: Iteganyagihe ry'imvura mu gice cya kabiri cya Kamena

3.2 Ibirebana n'imirimo y'ubuhinzi

Dushingiye ku bipimo bigaragaza ko imvura irimo gucika ndetse ikazagabanuka cyane mu gice cya kabiri cya Kamena 2020 (tariki 11-20), abahinzi barashishikarizwa gukomeza gukurikiranira hafi ibihingwa ndetse baka nabivomerera aho biri ngombwa kandi bakomeza kugisha inama abashinzwe ubuhinzi babegereye. Barashishikarizwa kandi kujya basura urubuga rwa Meteo Rwanda www.meteorwanda.gov.rw, cg guhamagara umurongo utishyurwa 6080.